

Prvi zamjenik visokog predstavnika Scanlan razgovarao sa zvaničnicima u Bijeljini



Prvi zamjenik visokog predstavnika i supervizor za Brčko Michael Scanlan jučer je posjetio Bijeljину gdje se sastao sa gradonačelnikom Mićom Mićićem, potpredsjednikom Skupštine Grada Bijeljine Mustafom Gradaščevićem te predstavnicima Odsjeka za lokalni ekonomski razvoj i evropske integracije.

Prvi zamjenik visokog predstavnika Scanlan pozdravio je informaciju da su vlasti Bijeljine i dalje fokusirane na rast privatnog sektora i promicanje socijalne tolerancije i inkluzije. Scanlan je sa sagovornicima razgovarao o tome koliko je značajno za lokalne vlasti da budu u toku sa potrebama zajednice i da se te potrebe rješavaju kroz adekvatne javne usluge.

Scanlan je posjetio novouspostavljeni Inkubacijski centar za održivi razvoj „InCOR“, inkubator za informatičke start-up firme, koji će omogućiti mladim poduzetnicima u Bijeljini da stvaraju nove kompanije, te samim tim radna mjesta u dinamičnom i perspektivnom IT sektoru.

Prvi zamjenik visokog predstavnika Scanlan dodatno je podvukao značaj osiguranja transparentnosti i odgovornosti javnih funkcija, što su odlike koje glasači trebaju imati na umu kada

budu izlazili na birališta u novembru.

Scanlan je pozdravio napore vlasti i građana na sprečavanju širenja covida-19. Međutim, kako se može zaključiti iz najnovijih izvještaja, covid-19 još uvijek predstavlja ozbiljnu prijetnju po javno zdravlje. Stoga se Bijeljina kao zajednica mora nastaviti strogo pridržavati uputa i preventivnih preporuka nadležnih organa.